

**ZAPISNIK SA 06. SJEDNICE UO SAMOSTALNOG SINDIKATA RADNIKA U BHRT-u,
U MANDATU 2019-2023, KOJA JE ODRŽANA U UTORAK 24.09.2019. GODINE**

Prisutni: D. Smital; N.Tadić; E. Čengić; M. K. Pašalić; E. Fočo; S.Kavazović; E.Agić; N. Arnautović; D.Miljević; M.Herac; J.Sogović; S.Gadžo; M. Baručija

Odsutni: Dž. Kahrica; M. Grbo; R.Kukić - **opravdano** O. Bukić – **neopravdano**

Dnevni red:

1. Zapisnik sa 5. sjednice
2. Aktuelna situacija u BHRT-u
 - sastanak sa menadžmentom po zahtjevu RTV Produkcije (izvještaj E. Čengić)
 - sastanci sa menadžmentom (ostale podružnice)
3. Rad u Upravnom odboru SSR u BHRT-u
 - Dragan Miljević (sastanak ITC-a sa menadžmentom)
4. Finansije (D. Karšić)
5. Ugovori
 - Adriatic
6. Dodjela pomoći (M.Herac, M. Baručija, R. Kukić)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 06. sjednicu UO SSR u BHRT-u i predložio dnevni red, koji je jednoglasno usvojen kao i zapisnik sa 05. sjednice UO sindikata.

AD 2. E.Čengić je izvjestio UO sindikata da je održan sastanak sa generalnim direktorom i pomoćnicom za razvoj u vezi zahtjeva Podružnice RTV Produkcije. Sastanku su prisustvovali E.Čengić, D.Smital i J.Sogović.

Generalni direktor je postavio pitanje zašto produkcija nije pohvalila povećanje plate za 10% nakon čega je E.Čengić istakao da postoje problemi sa kojima se susreću ljudi u produkciji i da bi se trebali pokušati riješiti obzirom da ti ljudi proizvode program. Prema informaciji koju je sindikat dobio od menadžmenta radi se na izradi nove sistematizacije, a ne postoji mogućnost povećanja dnevnica za službeni put jer je to u skladu sa zakonom.

Tender za nabavku HTZ opreme je oboren i raspisan je novi. Kada su u pitanju tereni, rečeno je da će se sa producentima riješiti problem usklađivanja dnevnica za put radija i televizije kao i noćenja na samim terenima. Menadžment je tražio da se pošalje e-mail sa zahtjevima sindikata kada su u pitanju uslovi rada na terenima, kako bi se poslalo svim savezima da se u ugovorima koji se sklapaju sa BHRT-om nalaže da se obezbjede adekvatni uslovi za rad ekipa na terenima. Tender za rampu na parkingu je prošao. Ukazano je na pogrešno i neadekvatno postavljenu državnu zastavu iznad ulaza RTV Doma koja se postavlja za vrijeme praznika.

D.Smital je predložio da sve ostale podružnice dostave svoje zahtjeve i prijedloge kako bi isti bili poslani menadžmentu za održavanje zajedničkog sastanka na kojem bi bili povjerenici podružnica sa članovima UO ako to oni nisu. E.Čengić je predložio da se prvo traži sastanak za Podružnicu PEP-a, jer su spremili zahtjeve prije dva mjeseca. Prijedlog zaključka D. Smitala uz dopunu E.Čengića je usvojen jednoglasno.

D.Smital je podsjetio članove UO da je za oktobarsku sjednicu predviđena rasprava o primjedbama za pravilnike o napredovanju i predložio zaključak da sve Podružnice dostave predsjedniku SSR u BHRT-u prijedloge izmjena primjedbi na pravilnike u pisanom obliku do 22 oktobra. Prijedlozi koji ne budu dostavljeni u skladu sa zaključkom neće se uzimati u razmatranje na sjednici UO.

Ovaj zaključak je jednoglasno usvojen.

AD 3. D.Smital je uvodu iznio da je povod za stavljanje ove tačke na dnevni red kršenje Statuta i Poslovnika o radu UO, od strane D. Miljevića, člana UO zbog organizacije sastanka sa menadžmentom bez saglasnosti UO sindikata. Također upoznao je Upravni odbor sa redoslijedom događaja, kao i podsjetio na neke prethodno usvojene zaključke UO.

D. Smital je istakao da je UO sindikata u aprilu 2018.godine donio zaključak da zaključke, inicijative i prijedloge članova Sindikata, odnosno Podružnica, mora odobriti Upravni odbor SSR u BHRT-u, u skladu sa Poslovníkom o radu UO SSR u BHRT-u. Postupanje suprotno ovom zaključku, smatraće se kršenjem člana 23. Statuta SSR u BHRT-u i kršenjem člana 11. Poslovnika o radu UO i isti će biti sankcionisani u skladu sa odredbama Statuta i Poslovnika o radu UO.

Napomenuo je da je Podružnica ITC poslala dopis UO sa svojim zahtjevima koji su prezentovani na 4.sjednici na kojoj nisu bili prisutni iz ličnih razloga ni D.Miljević ni A.Salihagić. Na istoj sjednici je donesen zaključak da se u dogovoru sa kolegama organizuje sastanak u Banjaluci sa menadžmentom. Prije 5.sjednice, D.Miljević je bio na sastanku kod pomoćnice za razvoj i tada je tražio sastanak sa menadžmentom u vezi zahtjeva podružnice. Na 5.sjednici D.Miljević je insistirao da se sastanak ne održi u Banjaluci i tražio da se prolongira dok se ne dogovori sa kolegama iz ostalih centara. Tada je dogovoreno da do 03.09.2019.godine rukovodstvo sindikata dobije informaciju da li će sastanak organizovati sindikat ili menadžment. D.Miljević nije dostavio rukovodstvu sindikata nikakvu informaciju nego je generalni direktor na sastanku sa podružnicom RTV Produkcije informisao rukovodstvo da je sastanak dogovoren s D.Miljevićem, a da je taj sastanak dogovoren samo zato jer je sindikat to zahjevao. D.Smital je 04.09.2019.godine tražio od D.Miljevića da do 09.09.dostavi imena svih članova Podružnice ITC koji će biti na sastanku koji je zakazan za srijedu, 12.09.2019.godine što nije urađeno. Zbog svega navedenog rukovodstvo sindikata je jednoglasno donijelo odluku da neće prisustvovati gore pomenutom sastanku i D.Smital je tu informaciju prenio i generalnom direktoru. D.Smital je obavjestio i sve članove Povjereništva podružnice ITC o odluci rukovodstva kao i razlozima te odluke.

D.Miljević nije imao primjedbe na izlaganje D. Smitala, osim da nije trebao poslati e-mail i članovima Povjereništva ITC-a. Istakao je da je održan sastanak s kojim je zadovoljan i urađen je dobar posao, a da spisak članova nije znao do samog sastanka. Nakon duže rasprave u kojoj su učestvovali D.Miljević, D.Smital, E.Čengić, J.Sogović, M.Herac, M. K. Pašalić, na prijedlog kolegija UO sindikata, jednoglasno je usvojena odluka da se u skladu sa članom 33. Poslovnika o radu UO sindikata kolegi D.Miljeviću izrekne sankcija opomena UO pred pokretanje postupka razrjeđenja člana UO sindikata.

E.Čengić je izvjestio UO sindikata da je održan sastanak Podružnice RTV Produkcije neposredno prije sjednice i da su jednoglasno usvojena dva zaključka:

- da se traži od menadžmenta javno objavljivanje svih plaća uposlenika BHRT-a
- da se traži prosjek plaća uposlenika po sektorima.

Predloženo je da se konsultuje advokat za zahtjev o javnom objavljivanju. N.Arnautović je predložio još da se traži javna objava svih stimulacija u BHRT-u. Nakon kraće rasprave u kojoj su učestvovali J.Sogović, N.Tadić, M.Herac i D.Miljević, zahtjevi Podružnice RTV Produkcije su jednoglasno usvojeni uz izmjenu N.Arnautovića.

AD 4. Blagajnički izvještaj za avgust 2019. godine je primljen k znanju.

AD 5. Adriatic izvještaj za avgust 2019 je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec septembar dobiju slijedeći članovi: Dženad Šehić 300 KM, Zineta Hastor 300 KM, Džehva Hamzić 300 KM, Samir Macić 500KM (II dio). Ukupno 1400 KM. Poklon baby bon u iznosu od 200 KM za rođenje djeteta dobio je Dejan Petrović. Prijedlog komisije je jednoglasno usvojen. M.Herac je istakla problem utroška privatnog telefona zbog poslova u sindikatu koje obavlja. UO sindikata je jednoglasno usvojio izmjenu odluke o naknadama za rad M.Herac u sindikatu na 60KM.

N. Arnautović je stavio primjedbu da bi se trebao naći način da se pomoć ne dodjeljuje onima koji se stalno prijavljuju za pomoć, odnosno onima koji čim istekne godinu dana od prethodne pomoći, predaju zahtjev za pomoć. M. Herac je iznijela da ima dosta takvih slučajeva. D. Smital je predložio zaključak da Komisija za dodjelu pomoći pripremi za novembarsku sjednicu izvještaj o utrošku sredstava u 2019. godini i pripremi prijedlog izmjena pravilnika o pomoći, ukoliko smatraju da je to potrebno, a da N. Arnautović svoje prijedloge izmjena dostavi komisiji prije izrade prijedloga.

AD 7. D.Smital je informisao UO da je sindikat ostao bez jedinog računara i da se rukovodstvo sindikata na sve moguće načine snalazilo do sada (privatno se obezbjedio polovan računar, telefon, ruter...). UO sindikata je jednoglasno odobrio sredstva za nabavku neophodne opreme za kancelariju sindikata.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital